



Concello do Porriño

BASES REGULADORAS PARA A CONCESIÓN DE PREMIOS AOS/ÁS ESTUDANTES CON EXCELENCIA ACADÉMICA NAS PROBAS PAU 2026

Expediente: 3839/2026

EXPOSICIÓN DE MOTIVOS:

O obxecto da presente convocatoria é o recoñecemento público do esforzo, a dedicación e a excelencia académica aos/as estudantes porriñeses/as que obtivesen os mellores resultados na Proba de Acceso á Universidade (PAU) no presente curso académico cos criterios, procedemento de concesión e requisitos que a continuación se irán detallando.

Este Concello está moi satisfeito co rendemento e logros obtidos polos/as estudantes durante este curso, incluíndose algún dos nosos centros educativos entre os convidados á entrega dos Premios MEGAU, evento organizado polas tres universidades galegas, por contar con alumnado entre os mellores expedientes galegos nas probas de acceso universitario.

Os premios configúranse como unha acción de fomento educativo e recoñecemento institucional, orientada a reforzar valores como o esforzo, a excelencia e a superación persoal entre o alumnado do municipio.

Polo tanto, a concesión dun premio enmárcase dentro da actividade de fomento das entidades locais e o seu tratamento é o regulado polo ordenamento xurídico para as subvencións. Así, o regulamento de servizos das corporacións locais no seu artigo 24 sinala que *"se considera subvención calquera auxilio directo ou indirecto, valorable economicamente, a expensas das entidades locais, que outorguen as corporacións e, entre eles, as bolsas, primas, premios e demais gastos de axuda persoal"*. Actualmente, a regulación básica da materia atópase na Lei 38/2003, de 17 de novembro, xeral de subvencións. Analizando o que dispoñen os seus artigos 2, 3, 4 e 5 conclúese que resulta vixente a consideración dos premios como subvencións.

Ademais a Disposición Adicional décima da Lei 38/2003 contén unha remisión normativa sobre a materia, en tanto que dispón que *"reglamentariamente se establecerá o réxime especial aplicable ao outorgamento dos premios educativos, culturais, científicos ou de calquera outra natureza, que deberá axustarse ao contido desta Lei, salvo naqueles aspectos nos que, pola especial natureza da subvención, non resulte aplicable"*.

Concello do Porriño

r/ Antonio Palacios, 1 O Porriño 36400 (Pontevedra). Tfno.: 986 33 50 00 Fax: 986 33 05 79



Por tanto, é obxecto das presentes bases o cumprimento estrito por orde do artigo 17.3.e) da Lei xeral de subvencións dos principios que rexen a concesión de subvencións, fundamentalmente os de publicidade, transparencia, concorrència, obxectividade, igualdade e non discriminación consagrados polo artigo 8.3.a) da mesma Lei.

BASES REGULADORAS:

1.- OBXECTO DA CONVOCATORIA.-

Como se dixo na exposición de motivos, o obxecto desta convocatoria é a regulación do procedemento para a concesión de premios ao alumnado empadroado no noso termo municipal con mellor expediente na PAU 2026 e que obtivese unha nota igual ou superior a 8,50 puntos na fase xeral (obrigatoria) do dito exame.

Esta convocatoria tramitarase en réxime de concorrència competitiva mediante comparación e prelación das solicitudes presentadas, de tal forma que obterán premio aquelas que acrediten unha maior nota obtida, ata completar o número de 15 premiados/as.

2.- BENEFICIARIOS/AS DOS PREMIOS.-

Alumnado empadroado no Porriño e que participase na presente convocatoria das PAU 2026, obtendo unha nota mínima de 8,50 puntos na fase xeral obrigatoria.

3.- APLICACIÓN ORZAMENTARIA, IMPORTE TOTAL, Nº DE PREMIOS PARA CONCEDER.-

Destinarase un importe máximo de 4.500 euros para un total de 15 premios de 300 € cada un. A partida de imputación será a 326.4800000 na que existe crédito confirmado polo documento RC incorporado ao expediente.

4.- SOLICITUDES E DOCUMENTACIÓN PRECEPTIVA.-

O alumnado interesado en participar e que estea en disposición de poder acreditar o cumprimento dos requisitos esixidos nestas bases, deberá solicitalo mediante a presentación da documentación que se sinala:

1.- Instancia individualizada asinada polo solicitante. En caso de ser menor de idade, deberá ser asinada polo titor legal. Poderá utilizarse o modelo de instancia xeral que se atopa na sede electrónica do Concello.

2.- Copia do DNI e, no seu caso, copia do DNI do titor legal (menores de idade).

3.- Acreditación da nota obtida na PAU 2026 onde se indique a nota

Concello do Porriño



Concello do Porriño

obtida tanto na fase xeral ou obrigatoria como na fase voluntaria ou específica.

4.- Volante de empadramento no termo municipal do Porriño.

5.- Certificado de conta bancaria de titularidade do/a solicitante.

6.- Declaración responsable do cumprimento de requisitos para ser beneficiario/a de subvencións e de estar ao corrente das súas obrigas tributarias e fronte á Seguridade Social (achégase o modelo como anexo ás presentes bases).

5.- PRESENTACIÓN E PRAZO.-

Establécese un prazo de quince días hábiles para a presentación dos documentos esixidos, contado desde o día seguinte ao de publicación do extracto das presentes bases no BOP.

A instrutora do procedemento comprobará os requisitos esixibles e a documentación acreditativa necesaria e, se se precisase, requirirá para que no prazo de dez días hábiles se emende a solicitude ou complete a documentación preceptiva (artigo 68 da Lei 39/2015 citada) coa advertencia de que, de non facelo así, terase por desistida a súa petición mediante resolución que deberá ditarse nos termos do artigo 21 do mesmo texto legal.

A presentación da solicitude de concesión de subvención pola persoa interesada levará a autorización ao órgano xestor para solicitar as certificacións sobre cumprimento de obrigas tributarias e de Seguridade Social que deban emitir a AEAT, ATRIGA, a Seguridade Social e a facenda local a través do ORAL como órgano delegado para a xestión tributaria municipal.

6.- CRITERIOS PARA A CONCESIÓN DE PREMIOS.-

Os premios teñen carácter voluntario e, polo tanto, non existe obrigación de conceder un a todas as solicitudes que se presenten e cumpran os requisitos das bases, fixándose un máximo de 15 premios para conceder e cun importe de 300 € cada un. A orde de concesión será a de maior nota obtida na PAU 2026 seguindo unha orde decrecente. No caso de que haxa dous ou máis alumnos coa mesma nota e se produza un empate, seguirase a orde cronolóxica de presentación de solicitudes.

7.- INSTRUCCIÓN E ÓRGANO INSTRUTOR.-

A instrución do procedemento de concesión destes premios correspóndelle á técnica de xestión económica do departamento de Intervención, ou persoa que legalmente a substitúa.

Realizará de oficio cantas actuacións estime necesarias para a

Concello do Porriño

r/ Antonio Palacios, 1 O Porriño 36400 (Pontevedra). Tfno.: 986 33 50 00 Fax: 986 33 05 79



determinación, coñecemento e comprobación dos datos en virtude dos que debe formularse a proposta de resolución pola comisión cualificadora.

As actividades de instrución comprenderán:

- Petición de cantos informes se estimen necesarios ou aqueles que sexan esixidos polas normas de aplicación. Todos serán emitidos nos prazos regulamentarios para resolver.
- Avaliación das solicitudes ou peticións, realizada segundo os criterios, formas e prioridades de valoración establecidos nas bases da convocatoria.
- Unha vez avaliadas as solicitudes, a comisión deberá emitir unha proposta na que se concrete o resultado da avaliación realizada. A dita proposta será elevada á Alcaldía-Presidencia que emitirá unha resolución, debendo ser notificada ás persoas interesadas debidamente motivada. Concederase un prazo de dez días para presentar alegacións, ou a solicitude de reformulación da súa solicitude para axustar os compromisos e condicións aos premios que se pretenden outorgar.

A resolución definitiva pon fin á vía administrativa.

8.- COMISIÓN CUALIFICADORA.-

A comisión cualificadora estará composta pola Alcaldía-Presidencia, dous concelleiros delegados de área e, con voz pero sen voto, a instrutora ou persoa que legalmente a substitúa que actuará como secretaria da comisión. A comisión cualificadora será nomeada por resolución da Alcaldía.

9.- RESOLUCIÓN.-

Será competencia da Alcaldía-Presidencia a resolución do expediente, a proposta da comisión cualificadora con informe previo do servizo de Intervención. A dita resolución pon fin á vía administrativa debendo ser notificada ás persoas interesadas. A participación supón a plena aceptación do disposto nas presentes bases e o incumprimento de calquera delas dará lugar á perda do dereito de optar aos premios.

10.- RECURSOS.-

Contra a resolución de concesión, que pon fin á vía administrativa, poderá interporse o recurso potestativo de reposición ante o mesmo órgano que a ditou e no prazo dun mes, que comezará a contar desde o día seguinte ao da súa notificación, segundo o establecido no artigo 123 da Lei 39/2015, de 1 de outubro, de procedemento administrativo común das administracións públicas, ou directamente ante a Sala do Contencioso-Administrativo do Tribunal Superior de Xustiza de Galicia dentro do prazo de dous meses contados desde o día seguinte ao da súa notificación, de conformidade co disposto nos artigos 8.1 e 46.1 da Lei



Concello do Porriño

29/1998, de 3 de xuño da xurisdición contencioso-administrativa.

De interporse o recurso potestativo de reposición, este resolverase e notificará no prazo dun mes segundo establece o artigo 124 da citada Lei 39/2015. No caso de silencio administrativo estarase ao establecido no artigo 24 do mesmo texto legal.

Non obstante, tamén se poderá interpor calquera outro recurso axustado a Dereito que as persoas interesadas estimen procedente.

Documento asinado dixitalmente á marxe, na data que se indica, polo alcalde-presidente.

Concello do Porriño

r/ Antonio Palacios, 1 O Porriño 36400 (Pontevedra). Tfno.: 986 33 50 00 Fax: 986 33 05 79



Concello do Porriño

ANEXO. Declaración responsable

Datos do interesado:

NIF:

Apelidos e nome/Razón social: _____

En representación de:

CIF:

Razón social:

En calidade de: _____

Declaro baixo a miña responsabilidade:

1. Non ter sido condenado mediante sentenza firme á pena de perda da posibilidade de obter subvencións ou axudas públicas.
2. Non ter solicitado a declaración de concurso, non ter sido declarado insolvente en calquera procedemento, non atoparme en declaración de concurso, non estar suxeito a intervención xudicial ou non ter sido inhabilitado conforme á Lei Concursal sen que concluíra o período de inhabilitación fixado na sentenza de cualificación do concurso.
3. Non ter dado lugar, por causa de declaración de culpabilidade, á resolución firme de calquera contrato celebrado coa Administración.
4. Non estar incurso nalgún dos supostos da Lei 53/1984, de 26 de decembro, de Incompatibilidades do persoal ao servizo das Administracións Públicas, ou tratarse de calquera dos cargos electivos regulados na Lei Orgánica 5/1985, de 19 de xuño, do Réxime Electoral Xeral, nos termos establecidos nela ou na normativa autonómica que regule estas materias.
5. Atoparme ao corrente no cumprimento de obrigas tributarias ou fronte á Seguridade Social impostas polas disposicións vixentes, na forma que se determine regulamentariamente.

Concello do Porriño

r/ Antonio Palacios, 1 O Porriño 36400 (Pontevedra). Tfno.: 986 33 50 00 Fax: 986 33 05 79



Concello do Porriño

6. Non ter residencia fiscal no país ou territorio cualificado regulamentariamente como paraíso fiscal.

7. Atoparme ao corrente do pago de obrigas por reintegro de subvencións nos termos que regulamentariamente se determinen.

8. Non ter sido sancionado mediante resolución firme coa perda da posibilidade de obter subvencións segundo a Lei 38/2003, de 17 de novembro, Xeral de Subvencións ou a Lei 58/2003, de 17 de decembro, Xeral Tributaria.

9. Non estar incurso nas causas de prohibición previstas nos apartados 5 e 6 do artigo 4 da Ley orgánica 1/2002, de 22 de marzo, reguladora do Dereito de Asociación.

10. No caso de que resulte beneficiario da subvención solicitada, comprométome a manter estes requisitos durante todo o período inherente ao recoñecemento ou exercicio do dereito ao cobro da subvención.

Advertido das responsabilidades legais que se derivan na falsidade de documentos administrativos asino esta declaración.

Lugar, data e sinatura do interesado.

En _____, a _____ de _____ de _____

Concello do Porriño

r/ Antonio Palacios, 1 O Porriño 36400 (Pontevedra). Tfno.: 986 33 50 00 Fax: 986 33 05 79